

漢陂集

一
函
八
冊

鄧子修藏

PDG

漢陂集卷三

詩

七言古

四皓圖歌

征夫血染長城地諸生魂落咸陽市博浪沙中客漫驚
商顏山下人先避沐猴授首烏江底汗馬論功未央裡
上皇生兒與仲多戚姬有子真如意鼎足搖搖誰與扶
吃口期期亦是愚赤松黃石有仙訣具書奉幣奔山隅
冥鴻徒侶雲間落野雞母子宮中躍漢庭羅網竟何爲
商山芝草仍堪嚼之州幾莖經幾春商山此日無此人

楸枰散亂隨流水松桂蕭條空白雲高車駟馬息方大
龍湫虎穴人爭坐立志不從東海遊甘心況受西山餓
千古閒情笑我癡四翁不見使人思聊對畫圖歌一曲
疑聞風雨下長陂

畫龍引

江邊野叟方投筆老龍走水水瀟瀟雲屯雨濕萬山黑
山下疾雷破幽窟子高畫龍老成癖時有天龍下其室
樂安寺壁多鬼神點睛飛去天怒嗔世間好事轉希差
却把畫龍畫作畫呼嗟野叟漫得意爾亦筆端一擲戲
古來好龍如好士不好真龍好形似君不見江潭千尺

黑到底下有蛟龍卧不起掛壁擾擾蜥蜴爾

睹官軍赴潁上歌

銀鞍繡甲劍在腰馬鳴十里風蕭蕭羽旗猶轉杏花塢
鐵騎先過楊柳橋將軍妙手逞輕捷一箭飛落雙鳬鵝
道傍觀者衆如堵奔走流汗喜欲舞老父歎息忽不樂
暮年今見持戈斧七日賊圍潁上縣一縣萬人命如線
聞說提兵李僉事日夜登城奮孤戰城中婦子愁唧唧
恨不人人生羽翼晨炊走汲井水竭夜號聲繞春雲黑
步兵間道單身出簡書馬上飛來急豈謂轅門坐風雨
不念愁城卧荆棘叢侍郎馬部督請君蚤發元戎纛淨掃

烟塵四千里我亦西歸杜陵曲

周將軍歌

十五學擊劒二十學用兵猿肱燕頤將門種丹書紫誥
金櫃盟大明天子自神武日向虞階舞干羽渥洼龍駒
滿帝閑越裳翡翠來天府長纓欲請繫單于廟堂勿用
開疆土歲月悠悠老將至封侯萬里無由遂被酒酣歌
缺噲壺臨風雄辯揮如意大兒蟠胸五千卷紅雲留待
通明殿元孫指掌八陣圖青春拜受將軍弁將軍卜築
淮水濱買田蓋屋栖白雲刁斗漫隨程不識園林恰似
荷將軍垂楊裊裊細烟霧短竹蕭蕭繁雨露菱荷香散

碧池風琴樽興戀青山暮山中甲子經七旬堂下曾孫
看幾度劍舞時令膽氣粗鏡光長許仙顏駐跨馬夜射
南山石韞鵲曉獵中山兔射獵年年樂未央山谷小虜
今跳梁棘門霸上直兒戲野草飛沙空戰場浮生感歎
雪盈首世事蹉跎柳生肘埽塵時復看龍泉安得將軍
却少年

畫葡萄引

漢武唯知貴異物博望常勞使西域大夏康居產富饒
胡桐檉柳非奇特獨取葡萄入漢宮遂遣天王親外國
當年肉味厭侯王今日霜根徧西北吾家十畝後園裏

長條幾架南山側
龍鬚時裊水風斜
馬乳盡垂秋雨色
故園一別驚風雨
畫圖相對思鄉土
青錢已辦雇河舟
白首行看住草樓
但願千缸釀春酒
未須一斗博涼州

彭少保時雨亭

少保出車天意歡
好雨隨車意未歇
去住何妨滯玉驄
沾濡猶記辭金闕
淮北淮南小麥熟
健婦把鎌兒放犢
南風拂拂吹劒門
家家小麥如雲屯
花下同來飲白酒
山中不去逐黃巾
人思少保如思母
暫時望見能歌舞
紫綬翩然覲北辰
彩毫爲爾題時雨
潁州亭子天南東
閬州亭子高插空
英雄過眼去即滅
公有芳名殊未窮

君不見南國甘棠非舊陌萬歲千秋思召伯

賣兒行

村媪提携六歲兒膏向吾廬得穀四斛半我前問媪賣
兒何所爲媪方致詞再三歎夫老病卧盲雙目朝暮死
生未可卜近村五畝止薄田環堵兩間惟破屋大兒十
四能把犁田少利微飯不足去冬蹉跎負官稅官卒打
門相逼促豪門稱貸始能了回頭生理轉局縮中男九
歲識牛羊雇與東隣辦芻牧豪門索錢如索命病夫呻
吟苦枵腹以此相顧無奈何提携幼子來換穀此穀半
在豪門錢半與病夫作饘粥村媪詞終便欲去兒就牽

衣呼母哭媼心戚戚復爲留夜假空床共兒宿曙鼓寒
聲鷄亂叫媼起徬徨視兒兒睡熟吞聲飲泣出城走得
穀且爲贍窮鞠兒醒呼母不得見繞屋長號更踣躅觀
者爲灑淚聞者爲齟齬嗟猛虎不食兒更見老牛能
舐犢胡爲棄擲掌上珠等閑割此心頭肉君不見富人
田多氣益橫不惜貨財買童僕一朝叱咤嗔怒生鞭血
淋漓寧有情豈知骨肉本同胞人兒吾兒何異形嗚呼
安得四海九州同一春無復鬻女賣兒人

隆慶貞女辭

妾身已許君君死不待妾蓋將往日憶君心縫裳又作

他人業妾心已逐君君死妾已絕生不同室死同穴與
君化作雙蝴蝶連理枝頭相逐飛萬歲千秋永不滅

給事中張士元謫貴州驛丞夢神語之詩聊紀
其事

張君憂國如曾生感激獨坐雙淚橫朝持諫書奏天子
要使四海之內一時歌太平諫書滔滔太切直天子覽
之勃然變乎色烈風震電不可已夕貶瘴鄉萬餘里明
日稽首辭闕庭西風灑淚何瀟瀟臣去一何輕臣身未
足惜只恐反覆間周行生杞棘瘴鄉到日如中國扶持
盡賴神明力遙向滇南望北辰不見長安還下泣夜窻

隱几愁多夢豈畔新詩誰朗誦孤臣一日賜九迴獨有
神明爲爾痛孤臣舊是玉坡仙青雲佇看來翩翩天子
見之爲歡顏淚痕拂拭衣袖乾

張方伯畫圖歌

山矗矗水粼粼青松千尺下臨壑蒼苔數畝淨無塵清
風不斷吹客衿掃石獨坐彈鳴琴九疑望盡寒雲渺五
音歇南風少秦箏沸夜玉階香齊竽吹月花樓曉鐘期
近不可尋元亮歸來誰與道元亮鍾期勿復陳知音

方伯是向人山矗矗水粼粼

方伯是向人山矗矗水粼粼

殿前賭郡寧堪作清閒惟是山中人占斷青山無四鄰
秋枰獨展不呼伴只恐輸贏生怒嗔人世反覆局面多
機心無奈白頭何座上英雄空歎息山中歲月易消磨
憑誰寄與商顏翁莫信留侯遊漢宮

山人愛書如愛酒一帙悠悠不釋手平生過眼五千卷
世事浮雲我何有青春董子常下帷白首伏生能解疑
鄴侯牙籤誇滿架新若未觸人共嗤世上紛紛遊蕩子
飽食不覽霍光史漫道皇華不讀書用心只學羲之字
更有山東老學究一部論語分前後藏心未有五車餘
赤手何由補天漏

古人作畫錢筆強漢有關羽晉長康王維輞川石刻新
子瞻畫竹光嶙峋山翁白髮老空谷古文萬卷填胸腹
興到有時臨畫圖東絹淋漓橫座隅等閑揮洒能逼真
信手變化疑有神吳淞秋水影澄澈并州剪刀剪不絕
薇垣主人氣磅礴廟堂堪寄經綸託請君提筆上麟閣
三老圖歌為孫方伯賦

一老手持赤玉莖童顏素髮星為睛一老宴自瑤池歸
蟠桃春露猶未晞最後一老碧瑤筇秀眉數寸雙頰紅
三老並是千歲翁相將來過薇垣東薇垣仙人瀛海客
青瑣堂星著標格雨露曾作河山春風雲終住神仙宅

佳音未許傳青鳥壽域爭看下三老一笑相携入帝鄉
對圖歲歲人長好

同康侯觀胡公泉歌

鄴西丈八村東側平地湧泉映空碧繞岸圓甃幾十圍
澄波到底餘五尺石罅暗瀉東北流旱亦不竭潦不溢
東北萬頃樹杞稭歲資灌溉蒙膏澤泉頭廟貌祀胡公
歲久傾圯委岡脊康侯歎息語父老新廟亟成何煥赫
侯來呼我共遊眺匆匆下馬日已夕割羊醢醢安靈畢
下走覓泉憩蒼石水面綠萍命婦拭雲影天光可指畫
泉眼屬席底見沙荇根游泳鯽與鯽時維二月雨新霽

花柳映帶春拍拍汲泉煮茗試一啜頓覺清風生兩腋
康侯興狂起欲舞嘯歌聲激浪花白人言康侯文雅世
無匹只恐天子召之臺端簪白筆難戀此泉常挾客

代送康汝修

鄴鄉醪酒能醉人離懷萬斛不可洗南風吹雨急如注
似爲吾人留客止須臾雨歇清風來周行迢遞雙旌開
千村萬村走赤子留君不住徒爲我君歌朝元曲我歌
長相思何時青雲端寄我碧瑤枝瑤枝亭亭出仙家恍
忽能開五色花逢人若問真消息太行王屋生琪葩

三島篇贈汝修

蓬萊雙闕盤雲起宮墻近接瀛州水瀛州仙子白玉堂
搖影死在水中央花前兩兩騎玄鶴樓上時時咏鳳凰
鳳玄鶴樓瓊島春風翠長金光草公孫東閣許重開旌
陽拔宅不難到夾道風氣紫氣通龍池碧蘸明光宮青
瑣夕郎鳴珮入烏臺在史諫書同杜史夕郎氣勃烈須
史叱咤風雷別一水瀛州咫尺間要時霄漢稱三絕霄
漢仙人扶紫宸雨露能為四海春萬里越裳來翡翠近
時帝苑走麒麟明良千載眷歌發洒翰平分漢宮月皐
陶已見奪天工山甫偏能補衮闕衮闕年年補綴齊方
壺落落日雲低雲裡群仙回首望一仙新起太行西

代雙溪子送王念覺

雙溪之水能釀酒，倒盡玉壺君住否。雙溪之濱多楊柳，
折盡柔條竟分手。雙溪之頭明月光，我往取之爲玉璫。
請君佩之朝未央，清風隨步聲琅琅。明月在溪君在闕，
團團一樣清光發。舉頭見月如見君，君心應似溪頭月。
黃河篇壽少保臬蘭彭公

崑崙高幾許，危峰挂北斗。日月隱蔽爲光明，鸞鳳紛紜
集瓊園。萬窟日然火，雲海奔雷噴。雪蛟龍吼，迢迢疑與
銀河通。滔滔勢帶金城雄，千年玉內含靈氣。一日金城
產鉅公，產鉅公金城下。皇蘭草木爲之顛，不教腹內崑